

Deo optimo maximo uni & trino, Virgini Deiparæ, & sancto Lucae orthodoxorum Medicorum Patrono.

(1723)
Lug 1423

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis decimâ-septimâ Februarii.

M. CAROLO CONTUGI, Doctore Medico, Præfide.

Est ne chylus fetus alimentum?

UT obscurum, quâ ratione liberi in generis humani officinâ cudiantur: sic involuta eorum nutritio. Fallitur qui ex utriusque parentis ejaculatis, exactè commixtis, & ab utero allicitis seminibus, humanum corpus generari existimat: & præter materiam, quæ nec est singularum partium portio, nec totius coporis rudimentum, in femine facultatem formatricem, totum generationis opus dirigentem, comprehensam tenet. Ex uno coitu plurimum foetuum productio, admirabilisque corporis humani structura, quæ fortuito particularum feminis motu nequaquam efformari potest, contrarium evincit. Inest mulieribus principium foetus, ovum scilicet, in quo omnes futurihominis partes jam formatae sunt. Illud maris & feminae femine fecundatum, ex ovarii testes vulgo didis, per tubas in uterum delabitur, cujus calore & humiditate intumescit. Interim spiritus intus contentus exulscitur. Hic quasi veterno excussio avolare nititur, verum à staminibus in fugâ detentus claustra sua expandit, & nisu suo dilatat: hinc foetus radices in uteri fundum spargit, per quas alimentum excipit, quo spatiosa à spiritu dilatata implentur, & pedetentim omnes foetus partes evoluuntur, modo non planè diversò ac plantarum semina terræ mandata, explicantur.

EX venularum umbilicalium extremitatibus utero appensis, foetum pro alimento maternum sanguinem assiduò rapere, qui credit, pariter errat. Sanguis qui per arterias ad uterum pellitur, in foetus nutritionem non impenditur; cum nec foetui accomodatum sit alimentum, nec ab utero in eum migret. Venæ umbilicales non in uteri, sed in papillis inseruntur, arterias, quæ chylum, non sanguinem, recipiunt & profundunt. Chylus in matre primum elaboratus, deferitur ad uterum unâ cum sanguine per arterias, aut lacteis forsan vasis. Ibi ope glandularum, sanguini materno aditum prohibentium, percolatur: ramulos deinde venarum umbilicalium ingressurus. Ut in ovo albumen vasis subiens purpureum colorem induit, sic chylus in placenta tubulis fermentatione, quâ particularum motus & figura mutantur, in sanguinem convertitur. Hic è placenta per venam umbilicalem fluit in foetum. Cuius nutritioni eo aptior est, quod in ipsius vasis confectus, foetui cognatio sit.

QUI chylum nutriendi foetus gratiâ, lacteis vasis ad uterum appellere vix credit, quod illi ductus investigantium oculos in hunc usque diem effugerint, quanquam mentis scrutinio haud obscuri sunt, & rationis acumine hebetudo sensus in hac re compensanda: illum saltem non confusum nec mutatum, per arterias ad papillas deferri pro certo habeat. Chylus, uteri glandulis à sanguine separatur, simili ratione ac in mammis, lac producturus. Secretus placenta subit, in qua miscetur cum sanguine, quem binæ arteriæ advehunt è corpore foetus in placenta, ad chylum fermentandum. Hic unâ cum sanguine arterioso, è capillaribus venæ umbilicalis ramulis primam adeptus elaborationem, in majorem truncum delabitur, in quo novâ agitatione, illius particulæ à se invicem ita dividuntur, ut cum sanguine confundantur atque illius naturam induant: ut chylus in nati pueri vasis, multis ac repetitis circuitibus in sanguinem omnino convertitur.

CHYLUM non sanguinem in placenta devehit solitâ naturæ agendi ratione confirmatur. Hæc in animantibus leges posuit, quas perpetuò sequitur, raro ab iis discessura. Omnes animantes in utero conclusas nutrit chylus. Id, ex uteri prægnantis animantis sectione compertum, quæ venarum umbilicalium ramos in uteri papillas, non in articularum oscula inferi patet, è quibus avulsæ papillæ humorem chylus simillimum profundunt. Hunc humorem statim à partu omnia ferè animalia lambendo auferunt, absorbent, avidissimè devorant, cum foetus excrementa ne attingant quidem. Si id perpetuum in animantibus: in homine etiam foetum chylus nutriti necessum est, cujus generatio, nutritio, accretio non absimilis.

MULIERIS uterò gerentis, à denegato sufficienti alimento, abortus, præsentem tamen sanguinis copiâ: & ad gravidarum morbos pluries adhibita venæ sectio, absque ullâ foetui illatâ injuriâ, chylum, non sanguinem maternum in foetus alimoniam facere evincunt. Illum toto gravidationis tempore, partim per venas umbilicales recipit, partim per os fugit. Chylus quandiu appellit ad uterum, tandiu in eo foetus retinetur. Desinit fluere, cum nimia uteri distentione claudantur poruli papillarum, per quas fluebat. Quo factò maturus excidit, tanquam è desiccato pedunculo, & pueri sui matrisque nisu, sese utero contrahente, juvenibus Diaphragmate, musculisque Abdominis, prodit in lucem, eodem, quem per mammas fugit, chylus nutriendus.

Ergo chylus est fetus alimentum.

DOMINI DOCTORES DISPUTATURI.

M. Ioannes Daval.
M. Claudius Oniquebent.
M. Ioannes Michel Garbe.

M. Bertrande-Simon Dieuxivoye.
M. Ioannes Boudin.
M. Guido Erasme Emmerez.

M. Raymondus Fintot.
M. Mattheus Thuillier.
M. Carolus Maréau.



Proponebat Lutetiæ ALEXIUS LITTRE, Corduenfis, Baccalaureus Medicus. A. R. S. H. 1689.